

BOSNA I HERCEGOVINA

БОСНА И ХЕРЦЕГОВИНА



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0014364 17

Sarajevo, 06.06.2022. godine

**SUD BOSNE I HERCEGOVINE**  
**SARAJEVO**  
**-Sudiji za prethodno saslušanje-**

Na osnovu člana 35. stav 2. tačka i) i člana 226. i 227. st. 1. ZKP BiH,  
p o d i ž e m:

**OPTUŽNICU**

**Protiv:**

**PEŠTALIĆ NAKIBE,** [redacted] rođene [redacted] 1954. godine  
u mjestu Humci, općina Lopare, [redacted] državljanke BiH, [redacted]

**Što je;**

U toku 2012. godine, postupajući kao direktor u pravnom licu „Top-gradnja“ d.o.o. Gradačac i kao poreski obveznik u smislu člana 13. Zakona o porezu na dodatu vrijednost (Sl.glasnik BiH broj: 9/05,35/05 i 100/08), u ime, za račun i u korist spomenutog pravnog lica, u namjeri da izbjegne davanja propisana poreznim zakonodavstvom BiH, shodno odredbama člana 3. i 4. Zakona o PDV-u izvršila prenos prava raspolaganja nad novosagrađenim nekretninama u stambeno poslovnom objektu u ul. [redacted] [redacted] u Gradačcu i to: poslovnog prostora od 76,79 m2, stana od 57,07 m2, stana od 32,29 m2, stana od 56,88 m2 i stana od 32,46 m2, na način da je dana

20.01.2012.godine, istovremeno i kao suosnivač pravnog lica „Top gradnja“ d.o.o. Gradačac, zajedno sa [REDACTED] drugim suosnivačem ovog pravnog lica, donijela odluku o pristupanju istog pravnom licu [REDACTED], čiji je osnivač i direktor [REDACTED], nakon čega su dana 21.02.2012 .godine zaključili i notarski obradili ugovor o pristupanju društvu novog člana i prenosu prava vlasništva na nekretninama bez naknade, radi dokapitalizacije broj: [REDACTED], kojim ugovorom se predviđa da se pristupanjem novog člana osnovni kapital pravnog lica [REDACTED] povećava za iznos od **588.354,00 KM**, te da [REDACTED] pravo upisa vlasništva nad predmetnim nekretninama može steći bez saglasnosti pravnog lica „Top gradnja“ d.o.o. Gradačac, te je u tom cilju u poslovnim knjigama pravnog lica „Top gradnja“ d.o.o. Gradačac izvršila isknjižavanje četiri stambene i jedne poslovne jedinice [REDACTED], dok je pravno lice [REDACTED] te iste stambene jedinice proknjižio na [REDACTED], te su potom sačinili Ugovor o prodaji udjela broj: [REDACTED], na osnovu kojeg pravno lice „Top gradnja“ d.o.o. Gradačac svoj osnivački ulog od **588.354,00 KM**, prodaje [REDACTED] za naknadu od **5.000,00 KM**, na koji način je pravno lice „Top gradnja“ d.o.o. Gradačac, svoj osnivački ulog prenijelo na pravno lice [REDACTED], bez obračuna PDV za nesrazmjerno umanjenu novčanu protivnaknadu, a sve sa ciljem da suprotno članovima 38. i 39. Zakona o PDV-u, a u vezi sa članom 55. i članom 25. st. 1. tačka 2. Zakona o PDV-u izbjegne obračun, prijavu i plaćanje PDV-a, imajući u vidu da ovakvim prenosom vlasništva nad nekretninama nisu bili ispunjeni uslovi propisani članom 7. st. 2. Zakona o PDV-u niti je Peštalić Nakiba, kao direktor i odgovorno lice u pravnom licu „Top gradnja“ d.o.o. Gradačac, izdala fakturu za navodni promet, niti je izvršila ispravku ostvarenog ulaznog PDV-a, na koji je način, preduzimajući naprijed opisane radnje, sa ciljem izbjegavanja plaćanja PDV-a pričinila štetu za Budžet BiH u ukupnom iznosu od **75.949,00 KM**.

**Dakle**, u namjeri da izbjegne plaćanja davanja propisanih poreznim zakonodavstvom BiH, pružila lažne podatke o svojim stečenim oporezivim prihodima, koje su od uticaja na utvrđivanje iznosa obaveza, a iznos obaveze čije se plaćanje izbjegava prelazi iznos od 50.000 KM,

**Čime je** počinila krivično djelo porezna utaja ili prevara iz člana 210. stav 3. u vezi stava 1. KZ BIH.

*TUŽILAC*  
*TUŽILAŠTVA/TUŽITELJSTVA BiH*